

آبونه شماره اظہار

ممالک عثمانیہ دہ سنہ لکی (۶۵)، آلتی
آلمنی (۳۵) غروشدور .
ممالک اجنبیہ دہ سنہ لکی (۱۷)، آلتی
آلمنی (۹) ذراقدر .

ادارہ خانہ

باب عالی جادہ سندھ دائرہ مخصوصہ

اظہارات

آبونه بدلی پشیندر

§

مسلمک موافق آثار مع المنونہ قبول
اولنور . درج ایدلہ یں یازیلر اعادہ
اولونماز .

الکشاف

۱۳۳۰

دینی، فلسفی، علمی، ادبی ہفتہ لقی مجموعہ اسلامیہ در .

اتبعون اهدکم سبیل الرشاد

صاحب و مدیر

سر محرر

ع . اشرف ارباب

محمد عاکف

والله یهدی من یشاء الی صراط مستقیم

نقطه التصاقده بولونمده در . بكون قره دن عثمانی حكومتی قفقاسیه یی اشغال ایده بیلیر . دها بیوك بر قوتلده مصر اوزرینه هجوم ایله انكتره یه بیوك بر ضربه اورور . مصر ایسه هندستانك قابوسیدر . هندستان ایسه تجارت عالمك كرز به لیدر . آنك ایچون مصر وسویش قناتك ضابطی انكتره نك هندستان یولی بوسوتون سگمه دار ایدر . عثمانلیار ، بو بجرانی زمانده استادده ایتمه نك طریقنی پك اعلا كشف ایتشلردر . بونك ایچون ده کیجه کاندوز جالیبیورلر ... »

انتباه اسلام

هندستانده « قالكوتہ » شهرنده فارسى لسانيله منتشر (جبل المتین)

غزته سندن :

دوات علیه عثمانیه نك حرب عمومى عقینده قوای بریه سنی سفر برلکه وضع ایتك صورتله سلاح آتیه آله یی یوز بیکرجه عسکرینی جداله مهیا بر خالده حدودلره سوق وتحشید ایتیمی کیقی بوسرده زیاده سیله جالب نظر دقتدر . آلمانیا حكومتك دولت علیه شو بجرانی زمانلرده اك كوزل حرب کیلردن معدود اولان ایکی بیوك سفینه صاعسی نظر تأمله آله جق اولورسه ق آلمانیا نك - حرب عمومى ائساننده - یالکز عثمانلیلری دكل ، یر یوزنده موجود بالعموم مسلمانلری کندیسنه جلب وجذب ایتك فکرنده بواندینی واضحا آ کلاشیایر . عالم اسلام اوزرنده پایانسز بر نفوذ مالک بولونان سلطنت عثمانیه ، شبهه سزکه آلمانلر ك حرکتنی اونو تمیه جق ومدی اولسه بیله معنا کندیلرینه یاردیم ایتکدن چکیمیه جکدر .

انكتره خارجیه ناظری سیر ادوار غره ی ایسه طرابلس ، بالقان محاربه لری ائساننده اوینادی رولارله ، چویردیکی فنا ومدهش انتریقهرله عثمانلیلری انکیزلردن صغومغه سبب اولدی . عثمانلیلره انکیزلر بیننده عنعنه حائی آلان مناسبی آلت اوست ایدرك کندی حكومتك منافع حقیقیه سنی اعراپدن محلی اولیان قره طاغ ، یونان ترالیترینه قربان ایتدی . ادوار غره یك بویه ترس دوشونجه لری ، یاکش حسابلری انكتره یه اوتهدن برنی حس صداقتله مربوط اولان بتون مسلمانلری مأیوس ایلدی . هندلیلر ، ایرانیلر ، فاسیلیر ، مصرلیلر ، خلاصه بتون مسلمانلر انکیزلری کندیلرینه ، منفعتلرینه دشمن تاق ایدیورلر .

حكومات اسلامیه نك هیچ بری ، هیچ برزمانده انکیزلردن - خصم صیه سیر ادوار غره ی رأس کاره کچلیدن بری - بر ایلك و مظاهرته نائل اوله مدیلر . حتی دییه بیلیرکه ، اسلاملری اتحاد و آفاقه ، آیدینلعه زور ایله ، قهر ایله سوق ایدن ادوار غره ی اولمشدر . مشار الیه تریبیتیه عالم اسلامه ایندیرین ضربه لر ایستر ایسته مز مسلمانلری آغیر براویقودن اویندیرمش وکابوسدن قورتارمشدر . هم اوله اویندیریش که ، بردها اویمیه جقلرینه ، آرتق کابوسه طوتایه جقلرینه شبهه یوقدر . فاسی فرانسه یه ، طرابلس غره ی ایتالیا یه ، ایرانی روسیه یه بخش ایدن ومصر ایله آفریقایی کندیسنه پای اوله رق آلیقویان ادوار غره یه ، آنك چوروك ایمله قویه این ، ترس فکرلی انکیزلردن هانکی مسلمان راضی ومنون اوله بیلیر ؟ !

اسلامیت محیطی شیمی وسلیمکدن عبارتدرکه هر ایکی طرف انكتره نك متعدد زیانلرینه ، ضربه لرینه اوغرامش و آرتق اختلافات مذهبییه یی بر طرف ایدوب بر بریله قوداش اوله رق قالمه قرار ویرمشلردر . عثمانی ایران حکو - متلرینی بر برندن آیره جق بر قوت - لاسیا بوزمانده - دنیا ده تصور اولنه ماز . هر ایکی ملتك منفعتی ، مفکوره یی ، حرکتی بر در . فلاکت وانتباه بواکی ملتی بر لشاریر مشدر . شوئی دیک ایستر که شیعیلر ایرانیه ، سنیلرده دولت علیه یه تبعیت ایتك مجبوریتنددر . منفعتلرینی این دوشون مسلمانلر بالطبع بوسره ده اتحاد صاریله جقلردر . بوکا اتحاد اسلام دیه میه جکیز . بلعکس تقدیر منعت وتعیین حرکت دیمکی دها موافق کورمکده یز . بویه اولنجه ، بوداؤره مقدسه یه مصرلی ، هندلی ، چینلی ، آفریقایی ، هیزه لی اولورسه اولسون هر مسلمان الشقاق ایده جکدر . بویه اولدینی تقدیرده فرانسه وانكتره مستملکاتنده یشایان مسلمانلر دولت متبوعه لرینه اظهار صداقت ایده میه جکلردر . ایتمه مکده ده معذوردرلر . چونکه بونلری ، منفعت تعقیبنه سوق ایدن انكتره ایله بالخاصه ادوار غره یدر ؛ بزینه انكتره حكومتیه وانکیزلره صوك نصیحتنری ویرمکدن وطوغری سو - یله مکدن چکیمیه رك آنلره ، مسلمانلره بر لشلرینی ویک ستم اولان سیاست حاضر لرندن افکار ندامت ایتلرینی تکلیف ایدیورز .

ایرانلیلر هیچ برزمان روسیه یه قارشو صادق قالمه مزلر . قفقاسیه لیلرده اوله . ترکستان وماوراء قفقاس مسلمانلری ده هکذا . ایرانك عسکرلی اولامقله برابر قبائیل ، کویلیلرله روسیه نك باشنه اولدجه ، یر بلا کسبله جکینه شبهه ایتمه ملیدر . تدریجی صورته افغانستان ، هندستان ، مصر ، فاس ، تونس و جزایر مسلمانلری قیام ایدرك عثمانی و ایران حكومات اسلامیه سیله توحید مساعی ایدرلرسه ، آلمانیا و آوستریا یه قارشو کوبلکله حرب ایده بیله جک وضعیتده بولنان ائتلاف ملتك حالی ، توانی قالمی ؟ ! مسلمانلر انکیزلری ، روسیه یه قربان ایتك ایسته مزلر . فقط زمانك الجا آتیه تابع اولورلرسه معذور کورولورلر . بناء علیه شیمیدین - آتش باجایی صارمزدن اول - اسکی خاللری تعمیر وتلاف ایتك زمانی کلشدر . روسیه یه آرتقه سنی چویرمکله انكتره درحال مرادینه نائل اولور . او دقیق دن اعتباراً عثمانی و ایران حكومتلرینی کندیسنه ظهیر کورمه جکدر .

انكتره زیانك نره سندن دونه هر حالده کارلی چیه جقدر . کچیکیرسه ، ترده اوغراسه ، ادوار غره یك ترس توصیه لرینه قولاق ویره پك اولورسه ، هر حالده انكتره حرب عمومى نتیجه سنده ضررلی چیه جقدر .

آلمانلری ، پك این دوشونلر کاردن طولایی تقدیر ایتمه مک ممکن دکلدر . زیرا بوللرده نخوت ، عظمت ، سائر اوروپا ملتلرینه نسبتله پك آزدرد .

خلافت عظمایك سطوت معنویه ومادیه سی

افرنجی آغستوسك ۱۴ نجی کونی اوندرده ده « البرت همال » ده وقوع بولان بر اجتماعده « جون بورنس » « رفته دن سیر ادوار غره یك سیاستنی پروتستو ایتك اوزره ایراد وتلشرافارله اولجه خبر ویریلوب

رساله مزه درج اولسان شایان دقت نطقك اخیراً عینه دسترس اولدیغمز جهته صوك فقره سنی بروجہ زیر نقل ایلوروز:

« شونده اونوتمايلم: امپراطور كيليوم طنجه به موصلتده مسلمانلرك دوستی صنتيله كلديكنی سويلش ایدی. عالم اسلامك هر طرفنده ايكي يوز الی ميلیون مسلمان بودوستلغه ايناندير.

ايتالانك عثانيلير قارشو اجرا ايتديكي محاربه بی امپراطورك متفقنك منفعتی نامنه منع اتمه سی بواعتقاد اوزونده اجرای تاثیر ایتدی. فقط وضیت حاضره عثانيلیری آلمانیا طرفنده بولمنه مجبور قیلور.

شورده آرزوق برنغوزیز وار ایدیه بونفوذ شدی قاناً محر اولشدر. بوضیاع میلیونلرجه اسلام اوزونده کی حاکمتزده شاهدر. زیرا ذات شاهانه سنجاق شریفی چیغایر وبالعموم اهل اسلامی دین محاربه سینه چاغیرسه بوتون بو اسلامار برفورونه کی آيا لانه جقدر. استانبول مسلمانلر ایچون بر مقام مقدسدر، محمدك تهنكاهیدر. ايكي يوز الی ميلیون اسلامك قلبی آلمان مظفریتی ایچون تتره بور، عالم اسلام - آلمانیا احراز مظفریت ایلجهك اولورسه - زنجیر- لرینی چوجق اویونجانی کی آتمه حاضر بولونیور. انگیزمالکنده یوزمیلیوندن فضل اسلام ساکندر. اگر هندستانده نائرة اختلال اشتعال ایلجهك اولورسه مسلمانلر یارای باشده بولنه جقدر. کعبه پوشیده مقدسی نقل اولنه جق واکر ایکنی برمه دی ظهور ایدرهك انگیز مسکرنك اجسادی اوزرندن اقوام اسلامیةك انتباهی فکرینی خرطومه کتوره جک اولورسه بو پوشیده بی باشده بولندیره جقدر. انگلتره موجودیتی ایلجه اوبنایور. نتایج محتمله اوزرینه دقتی جاب ایتیهرك بواویونی مستریخانه سیر ایتك انگیز ملتته اهانت ایتك دیمکدر. »

سپهر

حرب عمومی وعالم اسلام

برنورده مسلمانلر عالمی مال بفظ وانظاردرد

ممالك اسلامیه دن پیدری قولاغزده ایصال ایدیلن رسمی غیررسمی خبرلر، بزه عالم اسلامك متیظانه بر حالدده حرب حاضرک نتیجه سینه صبرسنزلقه انتظار ایتکده اولدقلرینی کوستریور. مسلمانلرك آغیر بر بوسدن، مدید بر اویقودن اویانلرینه سبیت ویرن یکانه عامل، شو صوك سنه لرده ائتلاف مثاث حکومتلری طرفندن دوچار اولدقلری تهدید و تضیقندن بشقه برشی دکدر. یر یوزنده هیچ بر اسلام یوردی یوقدرکه آرز چوق بوکی فلاکتله، صدمه لره معروض قالمش اولسون. دیه بیلیرکه انتباه اسلامی دعوت و آنک حصوله اك زیاده خدمت ایدن شی ائتلافک حرکات سیاسیسی اولمشدر.

اومت، مسلمانلر تشفی وانتقام ایچون صیره زمان بکیورلردی. دشمن تلقی ایتدکلی کیمسه لردن اوج آله جق هرکیم اولورسه اولسون آنی تقدیر وتحسین ایدم جکلی بدیهی ایدی. آلمانیا و اوستریا

دولترلرینک ائتلافه قارشو چیقوب یدیسیه سکزیله بی پروا حرب طو- توشملری وفرانسه، روسیه، صربستانی - که اوچی ده مسلمانلرك بنض ونفرتلرینی وسائل شتی ایلجه بو آنه قدر جلب ایتکدن کری قالماملردر - آرز برمدت ایچنده ضعیف دوشورملری ایلجه اسلام محیطلرنده بر موجودیت تأمین ایتدیلر.

ایران:

ایراندن آلتان موثوق ورسمی خبرلردن اکلاشیلورکه، شمال جهتنده یشایان قبائل وعشائر وقتيله روسیه دن چکدکلی فناقلرك انتقامی بو صیرمه آلتدن آلمنه قرار ویرمشدر. روسلره قارشو هر درلوم مشکلات ایجاد ایتکه قرار ویرن قبائل مذکوره بدایت امرده روسلره باصقین ویرهرك یوزلرجه اسیر و مهمات آلدقندن ماعدا بر چوقلرینی ده ائتلاف ایتمشدر. شبه یوقدرکه تبریز، قزوین، مشهد اهاالیسی روسلردن صوك درجه مغیر بولنیورلر. روسلر بورالرده ایتدک ظلم، یامدق قنالق بر اقدیلر. علمایی، احراری، مجاهدلری آصدیلر یچدیلر. مسلمانلر عنندن محترم اولان بر (امام) ك مرقد شریفی طوبه طوتدیلر. اهاالینک ثروتنه، مالنه، ناموسلرینه تحاواز ایتکی برشین تلقی ایتیهرك ایستدکلیری یابدیلر. شو صیرمه لرده بیله میدان حربده اسیر و یارالی دوشن عسکرلری ایچون تبریز اهاالیسندن جبراً اعانه طوبلایورلر. طهرانه بو باده بک چوق شکایت و قوع بولمشدر. ایرانك مشروطیتی آباق آلتنه آلوب، محمد علی و اتباعی ایرانه مسلط ایدن، متفکرلرینی سوقاق اورتیه سنده اولدیرتن، خزینه سنی صویان، ترقی وتعالی سینه سد چکن، مملکتلرینی انگیزلرله برابر تقسیم ایلن روسیه دولتی هانکی یوزله ایرانلردن اییلک بکله یور؟ حجاب انسانک یوزندن سیلنمش اولمیدرکه، بونجه فناقلردن صوکره ینه خصمندن معاونت بکسون!

فقط زمان دکیشدی. آرتق ایراندن روسلرك دوستی، طرفداری قالمامشدر. مملکتک صاحبی زمام اداره بی اله آلمش، ملتیه خدمت ایدم جک حر، فعال بر قابینه تشکیل ایتدیرمشدر. ایرانك امور مالیه سی، عسکریه سی، هرشیئی اصلاحه یوز طوتمش، هر طرفده بو فعالیت کندیسینی کوسترمشدر. روسیه به بو آنه قدر ایران حکومتی طرفندن ویریلن نوطه لردن مستبان اولیورکه، شاه ایلجه ایران رجالی روسیه طرفدار اولیوب، آنی مملکتلردن چیقارمق ایستیورلر. (ترکمن چای) معاهده سینه رعایتله ایرانك تمامیت ملکیه سنی تصدیق ایتسینی روسیه دن شدتی بر لسانله طلب ایدلمشدر.

تبریزده کی روس قونسولسنت آلمانیا قونسولسیله تبعه سینه قارشو فضولانه یر صورتده اختیار ایتدیکی وضیت تهدیدکارانه سی ایران شاهنک حدت واغبرارینی صوك درجه جلب ایتمشدر. کندیسینه، سفیری واسطه سیله تبلیغ ایدیلن تویحنامه ده، بر دها بوکی معاملات